

Na osnovu člana 16. stav 4. Zakona o Vladi Zeničko-dobojskog kantona (Prečišćeni tekst) ("Službene novine Zeničko-dobojskog kantona", broj 7/10), Vlada Zeničko-dobojskog kantona na prijedlog Ministarstva za poljoprivredu, šumarstvo i vodoprivredu, na 101. sjednici, održanoj 03.07.2017. godine, d o n o s i

ZAKLJUČAK

I.

Vlada Zeničko-dobojskog kantona utvrđuje Amandman I na Prijedlog Odluke o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za projekat „Izgradnja regionalnog vodovoda Plava voda“, koji glasi:

AMANDMAN I

u Prijedlogu Odluke o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za projekat „Izgradnja regionalnog vodovoda Plava voda“ član 8. mijenja se i glasi:

„Član 8 (Obezbjedenje povrata kredita)

Međusobna prava i obaveze prema ovom kreditnom zaduženju, između Zeničko-dobojskog kantona i subjekata koji učestvuju u povratu kreditnih sredstava i krajnjih korisnika kreditnih sredstava, uredit će se posebnim ugovorima, a nakon definisanja i obezbjeđenja instrumenata osiguranja povrata sredstava kreditnog zaduženja“.

II.

Zaključak sa obrazloženjem upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/17.
Datum, 03.07.2017. godine
Zenica

PREMIJER

Miralem Galijašević

DOSTAVLJENO:

1x Stručna služba Skupštine

1x Stručna služba Vlade

1x Ministarstvo za poljoprivredu, šumarstvo i vodoprivredu

1x a/a.

O b r a z l o ž e n j e

PRAVNI OSNOV:

Pravni osnov za donošenje zaključka sadržan je u odredbama člana 16. stav 4. Zakona o Vladi Zeničko-dobojskog kantona (Prečišćeni tekst) ("Službene novine Zeničko-dobojskog kantona", broj 7/10).

RAZLOZI DONOŠENJA:

Dana 28.06.2017. godine Ministarstvo za poljoprivredu, šumarstvo i vodoprivredu faksom je zaprimilo je od Javnog preduzeća Regionalni vodovod „Plava voda“ d.o.o. Travnik dopis broj: 77/17 od 27.06.2017. godine koji je upućen Skupštini Zeničko-dobojskog kantona Sugestija na Prijedlog Odluke o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za projekat „Izgradnja regionalnog vodovoda Plava voda“(u daljem tekstu prijedlog Odluke).

Sugestijom iz dopisa traži da se član 8. Prijedloga Odluke mijenja na način: „Međusobna prava i obaveze prema ovom kreditnom zaduženju, između ZDK, subjekata koji učestvuju u povratu kreditnih sredstava i krajnjih korisnika kreditnih sredstava, uredit će se posebnim ugovorima“.

Ministarstvo za poljoprivredu, šumarstvo prihvata da se član 8. mijenja iz predložene pisane sugestije Regionalnog vodovoda „Plava voda“ d.o.o. Travnik, u cilju zaštite imovine Zeničko-dobojskog kantona, potrebno je navesti da će se posebni ugovori zaključiti nakon definisanja i obezbjeđenja instrumenata osiguranja povrata sredstava kreditnog zaduženja“.

U vezi sa navedenim, Ministarstvo za poljoprivredu, šumarstvo i vodoprivredu predlaže Vladi Zeničko-dobojskog kantona da donese prijedlog zaključka o utvrđivanju Amandmana I, kao u prijedlogu.